

مسرح

هذا كفنك ياوطن

فصل واحد

سمير حمایه

الإهداء

نغدوا عراة منبوذين من الفضيلة سكاكين القهر تطعننا دموعنا حمراء بلون الدم.

الشخصيات

1 _ عربي

2 _ عرايي

3 _ محروسه

4 _ نعمه

5 _ مجموعة شباب وفتيات المظاهرات

6 _ مجموعة شباب ثورة المجانين

7 _ الضابط

8 _ مجموعة شباب ثورة الأموات

9 _ المحبوس

الجزء الأول

المنظر الاول

المنظر الأول في المقابر، حجرة بسيطة بها ثلاث مصاطب والوسط

تتوسطه مقبرة..الإضاءة خافتة ، يجلس التنبل وإبنة الكسلان
التنبل وإبنة سيئي السمعة يعملان في الحدادة وغير منتظمين في

عمل دائم، في أي ورشه يقضيان معظم وقتهم في التسكع

الخمول والكسل يلزامهما.

عربي أنا جعان يابا..

عراي ومين سمعك يابني أنا سامع عصافير

بطني بتصوصو..

عربي وانا بقي قطط بطني بتنونو ،،.تيجي

نخليها تاكل عصافير بطنك..

عراي ادي الي فالج فيه هو أنت لوكملت

يومك مع المعلم بسه النهارده

كُنَّا جُعْنَا كده .

عربي (ساخراً) آباء، لاتعايرني، ولا أعايرك الهم

طايطني وطايلك ماأنت من وقت ماسبت

المعلم شحتوت ماشفناش ليك شغل..

عراي (غاضبا) طيب إتنيل واسكت (يحدث نفسه)

لسانه عاوز قطعه انده علي مراتك

يمكن هي تتصرف..

عربي أنا ساييها تعبانه والظاهر قربت تولد..

عراي بس انده عليها البت دي جدعه ودايما

بتتصرف..

عربي (ينادي) محروسه

(تدخل محاسن وهي تعاني من ألمخاض)

محروسه (وهي تتألم)....عاوز أيه ياتاعبني..

عراي أنت لسه تعبانه يابنتي

محروسه أيوه ياعمي الظاهر حولد النهارده انتوا

عاوزين حاجه

عربي كنا بنسأل علي لقمه ناكلها؟

(وقبل ان يكمل جملته تصرخ محروسه ،وتتجه الي إحدي المصاطب وتنام عليها صارخة)

عربي هو فيه أيه ..؟

عراي الظاهر مافيش عشا..

عربي (محدثا محروسه) أنت حتولدي

يامحروسه.

محروسه (تصرخ) آه ، أه آه.

عربي طالما الصرخه عفيه وجامده

كده ييقي ولد.

(محروسه تصرخ ولا أحد يعبأ بصراخها)

عراي ويكن بنتع العموم ولد ولا بنت

حنلعب بيه (محدثا عراي) أنت مش

حتقوم تشوف مراتك

عربي أعمل أيه يعني .

عراي اعمل زي ما بيعملوا الناس.

عربي والناس بيعملوا أيه؟

عراي بيقدوا يدعوا يقولوا يارب..

عربي يارب

عراي ولا ياعربي طيب حنعمل أيه دلوقت

مافيش مُعَاتْ ولا الحاجات بتاعة الولاده

فيه عندنا بس ميه سخنه.

عربي تعرف يابا، ياريت تموت وتريحنا..

عراي إخص عليك قليل الاصل دي

نفعانا في البيت.

عربي منا مش متحمل صراخها ووجعها

.

عراي طيب قوم، سخنلها شوية ميه..

لا قوم أنت. عربي

عراي وأنا احقوم ليه، هو أنا جوزها ولا أنت.

عربي مش أنت حماها

عراي ٥٠ .

يبقى تحمي الميه. عربي

عراي بص عشان مانقعدش نتخانق زي كل مره

...تيجي مانتكلمش، والي يتكلم هو الي

يحمي الميه.

عربي ماشي.....واحد، اتنين، ثلاثه، خمسه

عشره، إبتدي..

(محروسه تصرخ وعربي وعراي ينظر كل منهما إلى الآخر ولا يجيب

تدخل نعمه من الجيران بعد القليل من الوقت)

نعمه العوافي (محدثه عربي وعراقي ولا احد يرد ويشيران
لمحروسه)

ايه ياختي ده جالهم البلم (تجري مسرعه نحو محروسه

أنا جيتلك يا حبيبي،

(محروسه تصرخ صرخه كبيره ويتوقف الصوت فجأة.)

نعمه (تمسك يدها) دي ماتت وتصرخ

محروسه ماتت. عراقي

عربي (يقف مهلاً) هيه انت الي عليك تحمي

الميه السخنه.

.

بلاك اوت

المنظر الثاني

عربي وعراي في الشارع الخالي من المارة تماما.

عراي أياه الحكايه ده سابع جامع نعدي

عليه ومنلاقيش حد..

عربي البنت محروسه دي طول عمري أقول

عليها منحوسه..حتي كفن مشلاقيه ليها..

عراي عَشْرِيه أوي ، باين عليها ،ومش عاوزه تسيبنا

..بس أياه حكاية كل الناس، الي في الجوامع

طلعوا علي ميدان الحريه..

عراي يمكن ميدان خوفو زحمه ومش عارفين يركبوا

من هناك وراحوا علي الحريه.

(تدخل مذيعة إحدى القنوات الفضائية الحكومية)

المذيعة وأنا الآن سيداتي وسادتي في حارة

المهاويل والصورة أمام حضراتكم مابتكدبش

يقولوا، الشعب كله في ميدان الحرية وادي اتنين

مواطنين، يمارسوا حياتهم اليومية بشكل

طبيعي خالص، ونتعرف بيهم (محدثه عراقي

مممكن نتعرف بحضرتك .

عراقي عراقي العربي أبو العرب .

المذيعة من فين ياعم عراقي ؟

عربي (مقاطعاً) وأنا عربي إبنه وقاعدين مع بعض.

المذيعة (بإبتسامة ساخرة) أهلا عربي.

وقاعدين فين يا عربي ؟.

عراي قاعدين في المقابر..

المذبة قاعدين بتعملوا آيه ،بتدفنوا حد؟.

عري لا ساكنين هناك،.أنت متعرفيش

ولا آيه دي البلد عزلت هناك.

المذبة وبتعملوا آيه هنا

عراي أصل محروسه مرات عري إبني

ماتت، ومافيش معانا تمن الكفن، وبنلف علي ولاد

الحلال، يايديونا كفن ،ياناخذ حقه.

المذبة (يظهر على ملامحها الغضب ، وتحدث المخرج)

طلعنا فقره إعلانيه ،خليني أظبط..

ونرجع مع عراي وإبنه

والآن، أعزائي المشاهدين، فقره إعلانيه

عري .

((محدثه عربي وعراي)

أنا حسألکم وإنتوا أي حاجه قولوا كويس

كويس وقمام ، ماشي.

عراي ماشي بس والكفن؟

المذيعه أنا حديکم تمّن الکفن ياسيدي

بس إسمعوا الكلام.

عربي أنت هاتي تمّن الکفن وإحنا

حنسمع الكلام قوي.

عراي آه والله أنا وعربي إبنی شاطرين وبنسمع الكلام.

المذيعه (تخرج من حقيبتها مبلغ من المال) دول خمسمية جنيه
أهم وقولوا زي
ماقولتلکم .

عراي (يخطف منها النقود) إحنا حنقول للصبح ،...تشكري ياست.

المذيعه
ودلوقت ،أعزائي المشاهدين، عوده مره
وعريي.

(محدثه عراي) هل أنت راضي ياعم

عراي ،عن أفعال الشباب، في الميدان

وتعطيلهم للمرور، ومصالح الناس.؟.

عراي
كويس تمام.

المذيعه
أيه الي كويس تمام ،ياعم عراي.

عريي
الي بتقوليه..

المذيعه
وادي عمي عراي وعريي مش راضيين عن

الأفعال ودايماً إحنا بنقول دي مؤامرة

علي البلد، وأجندات خارجيه، مش كده ياعربي.

عربي آه كده ونص، وكل اللي تقوليه، حلو وما يطلعش

منك العيبه (يقترّب منها ويحدثها

في اذنّها) كده كويس؟

المذيعه (تبعدّه عنها ساخره) آه كويس خالص .

..طيب ياعم عراي، أنت بتعترف

بالكلام اللي بيقولوه، إنها ثوره؟ .

عراي تمام . كويس.

المذيعه أيه هو اللي تمام ،وكويس..،أنت بتعترف انها ثوره؟.

عراي الكذب خيبه، أنا معرفش حاجه..

المذيعه وادي عم عراي، بيقول مايعرفش وكمان .(محدثه عربي)

أنت تعرف ياعربي؟.

عربي لا، ورحمة أبويه، ماأعرف حاجه.

عراي. (ساخراً) رحمة ابوك أية، قول ورحمة محروسه أنا جنبك. .

المذيعه وزى ماشفتهم، أعزائي المشاهدين، إن فيه ملايين رافضين التصرفات الطائشه زي عم عراي وعربي ،

اللي بتحصل ،وإلي لقاء آخر وموعد وبرنامج موعد

بالمصادفه . (تخرج المذيعه)

عربي طول عمري ،بقول البنت محروسه بنت حلال..

عربي (ينظر الي الفلوس التي بيده) ستانا دنيا وآخره ربنا يسترها.

بلاك اوت

المنظر الثالث

الديكور ميدان كبير. جماهير الثوره .. لافتات كبيره ... حركة الجوع الكافر.. جماعة البر والاحسان، حزب نجوم
الليل.....

الجمهور إحنا جينا، ومش ماشيين

(يخرج شاب)

الشاب... إحنا جينا، ومش ماشيين

عشان مابقتش تفرق

إحنا كده . كده مش عايشين

تايهين... ضايعين

الاسم عايش

وف الحقيقه ميتين

سرقثوا حللنا

مصيتوا دملنا

نسيتونا حتي إسمنا

وخليتوا الحياه .

قبر كبير بيضمنا

يسمع صوت جهوري من مسؤول

الصوت إمشي ياإبني أنت وهو

مش ناقصين لعب عيال

ولو ليكم أي شكوي

قدموها ف مرسال

التجمهر ممنوع

وأنا عليكم طويل البال

ولو حل عليكم غضبي

معرفش أيه حيكون الحال

صوت الجماهير إحنا جينا ومش ماشيين.

يخرج رجل عجوز من وسط الجماهير

العجوز... خلاص الكيل طفح

والخوف الي كان راح

الميه ،واشربناهامجاري

والعيش أكلناه محشي حمي

والجسم إقلمي بالمرض

وف كل المسام جراح

وإيني الي ربيته

عاش ف الدنيا سواح

أخذتوا كل الفرح

وسبتوا كل ترح

يُسمَع صوت المسؤول

المسؤول حق أيه ياابني الي بتدور عليه

فوقوا وبلاش تخاريف

وحقكم إحنا أحرص منكم عليه

(تخرج فتاة من وسط الجمهور)

الفتاة خلاص الصغير كبر

وللوصايه مش عاوزين

ولو كانت وكاله

إحنا ليها لاغيين

أول حقوقنا كرامه

وليها طالبين

وتاني حقوقنا حرية

وليها عايشين

وتالت حقوقنا عدالة

وهي حلم كل الملايين

(يدخل عراقي وعربي)

عراي صرشنا فلوس الكفن وحتي مافيش

باقي فلوس نروح بيها.

عربي بس عشنا يوم من عمرنا يابا سهرة

الكباريه كان تجنن.

عراي آه والله شوفت الناس امبارح كانوا

هايصين إزاي وامبارح كنا فين

ودلوقت فين.

صوت الجماهير عيش حريهعدالة إجتماعية

عربي ناس بتنقط ،وناس بتتنطط، شبهنا

عاوزه تعيش يابا..

عراي أه يابني بيقولوا عاوزين عيش .ملوخيه.

عربي خلينا واقفين معاهم يمكن نلاقولنا رغيين

عراي ويمكن نلموا قمن الكفن تاني.

صوت الجماهير مش حنمشي هو يمشي

(يسمع خطاب التنحي)

فرحه غامره للجماهير وأحضان هيستيرية)

(يخرج شاب من وسط الجمهور)

الشاب إنتصرنا وكان الثمن كام ألف شهيد

نصر غالي واليوم اتولدنا

وبقينا مية مليون وليد

أخيرا لقينا حلمنا

واليوم الي صابح

حيكون يوم جديد

عرايي يحتضن عربي.....إحنا كده ضمنا حق الكفن

بلاك أوت .

المنظر الرابع نفس ديكور المنظر الأول في داخل المقابر

عربي وعراي يقفان أمام جثة محروسه.

عربي إحنا ملينا أكثر من أربع تلاف جنيه

تمن الكفن وماجينهاوش.

عراي ربنا يخليها لنا، سترتنا، وبشبهشتنا علي الآخر

عربي وماغرمتناش حاجه، كام كيس ملح كل يوم

وكام إزازه خل ..بس تفتكر يابا

حنقدر نخللها كام يوم.

عراي مش عاوز أفكر ولو عليه عاوزها هنا علي طول

عربي بس البت نعمه كل يوم بتسألني انتوا

مادفنتوش محروسه ليه.

عراي قلها دفناها. خلىنا بس نفكر حنجيب

فلوس منين تاني.

عري ماتقلقش ..فيه مظاهرات جديده

شغاله في كل حته

السواقين والعمال وامناء الشرطه والخير كثير.

عراي السواقين كمان دول مولعينها العربيه اللي

شغاله من رمسيس لحد الوراق

مقسمه المسافه خمس مرات والعربيات

اللي جايه هنا عاوزلك كل يوم عشرين

جنيه مواصلات..

عربي الناس اتسعرت ومحدث طايق الثاني

عراي يابني مش إحنا بس الي خايين إحنا

عندنا ضمير أكثر منهم إحنا مابنشتغلش

ومابنلاقيش فلوس وهما ماييشتغلوش

وبيقبضوا أول كل شهر وعاوزين زياده

الموظف المفروض بيشتغل تهن ساعات .

عربي اه من تمانيه لاربعه...بيروحوا تسعه

ويفطروا من تسعه لعشره ويادوب

شغل ساعتين لحد ما يأذن الظهر

وبعد كده يقولك تعالى بكره.

عراي بيتعبوا خالص ومن حقهم ياعيني

زياده في الاجور.

عربي يابا احنا شعب نتكلم اه ومانعملش

حاجه وعاوزين كل حاجه..

عراي ياعيني عليك يامحروسه

عربي مش حنزلوا نلقطوا رزقنا ونجيب

حق الكفن.

عراي أه والنبي عشان الرقاصه وحشتني..

عربي يابا خف عليها، دي كل ماتغمزلك .

ترمي عليها مية جنيه وحتى

مش عارف تمسك إيديها.

عراي وحياتك، مسكت إيدي، وقالتلي

أنت ساكن فين ..

عربي وقتلتها ساكن في المقابر.

عراي لساني المنيل زالف وقولت ساكن

في المقابر ومن ساعتها بتغمز بس..

عربي طيب تعالي نقرا الفاتحه لمحروسه .

عراي خلي الفاتحه بعدين وبيننا نلقط زقنا

ونشوف تمن الكفن

.

بلاك اوت

المنظر الخامس

خشبة المسرح مقسمه الي جمهورين ...جمهور وجمهور

جمهور لازم يمشي.

جمهور لا مش حيمشي

يخرج من وسط جمهور المسرح المشاهد للعرض شاب

الشاب عجبي علي بلد مكسورة خاطر

لا الحازم حيكون فيها حازم

ولا الشاطر حيكون شاطر

وشوش بتيجي ووشوش بتروح

والشكل واحد والخلقه واحده

بلد وفيها العدل ممسوح

والحق تايه ممسوخ

وبقيننا تكيه لكل مفضوح

ولسه حنفضل نطلع في الروح

الصوت بقي منبوح

والقلب بات مدبوح

ولسه تايهين عن الطريق

ويقييد جوانا الحريق

يخرج الشاب ويدخل عربي وعراقي)

عراقي أبيه الحكايه إمبراح كانوا كلهم إيد

واحد والنهارده بيتفرقوا .

عربي الماعز لما تعوز تحكم تفرق الغنم

يا با، الحكايه بقت سوق كبير يا با

بتارين شعارات كدابه

ودنيا تاه فيها الغلابة

خناقه على مين يحكم

الأسود أم الديابه

(خرجت فتاه تنظر لعراي وعربي)

الفتاة ومش حنخلص من الكلام

وعربيات حمص الشام

وبلد و الكل بيها بيتاجر

مايين ست بترقص ومايين عجوز

عمره مايلم يكون راجل

لا نافع نصيحه ولا نداءات

أحزاب وحركات تتاجر بالديحة

وإتلافات بتبيع ولاعات

(تخرج الفتاة)

عراي كلام كبير أوي ياواد ياعري

عري بقينا مش عارفين، نفهم حاجه يابا

عراي معاك حق، عايشين وسط الأموات

وكنا مرتاحين وحتى لو مش لاقين لقمه.

صوت جمهور هو يمشي

جمهور لا مش حيمشي

(يخرج شاب)

الشاب أم تقاسي...تكابد..

تبكي بمراره

تمشي علي الأشواك

سبعة آلاف سنه

لم ينل منها الزمن

وشامخه أبيه في المحن

تلبس الشمس ثوبا

مهما مزق الظلام رداثها

متوجة بتاج السما

علي رأسها

لا يناله غاصب

مهما كان العدا لها

زينت النجوم صدرها

تخرج فتاة

الفتاة وكم من يتيم طامع في حضنها

جعلها الخالق كنانته

وَأَمِنْ كُلِّ مَخْلُوقٍ عَلَيَّ أَرْضُهَا

أَحْتَضَنْتُ يَوْسُفَ الصَّدِيقِ

وَتَرَعَّرَعُ مَسْتَنْشَقًا هَوَائِهَا

عَاشِقٌ لَأَرْضِهَا...مَسْتَظِلًّا بِظِلِّهَا

وَكُنْتُ مِيلَادَ نَبْؤَتِهِ

وَهُوَ نَعَمُ الْإِبْنِ بَارَا بِهَا

وَكُنَ الْمَسِيحُ رَبِّبَهَا وَحَبِيبَهَا

وَفَتَحَتْ حَضْنَهَا لِلْإِسْلَامِ

وَكُنْتُ لَهُ نَصِيرَةً

فِي الْحَرْبِ وَالسَّلَامِ

وَدَفَنْتُ فِي أَرْضِهَا

كل الغزاة

وداست رأس كل الطغاة

أجيال وراء أجيال

والأم بتعاني

دموعها علي خدها

وبتحلم بالأمني

بتصبر نفسها بموال الشجن

وتغني على لحن الألم

كل الأغاني

وما بتكل يوم

وحتي مع القهر

ببتسم ثاني

وتفضل تحلم بجنين

ينمو في بطنها

وسكن النسيم حضنها

ونيل عديد الروافد

مصبه في الجنوب

ويأبي أن يكون إبننا لغيرها

فهي أم الحياة

يخرج شاب اخر

الشاب واتزرعت البذره جواها

وبدأت تحس الجنين في حشاها

خافت عليه وبقت تضمه

سهرت علي راحته مابتنام

تفرح لو تحرك في حشاها

وتدمع لو حسست انه ساكت جواها

ومستنيه الولد يتولد

جاها ألم المخاض

مش زي كل ام بتصرخ

بر غم الألم والتعب

وجنين ولادته صعبه

كانت بتصرخ أفراح

ونسيت كل أم وأتراح

وشافت إبنها بعنيها

وضمته قوي في حضنها

وفرحت لإبنها الي في بطنها

إتجلد لما اتولد

والطفل ياولداه

إتولد شايل همه

لو حس بجوع

بيرضع في دمه

(تخرج فتاة)

وحبوه كان في الميدان

بيحاول يوقف ويمشي

فرشوله الأرض شوك

والوليد البطل مايتعثر

ولا إر ادته بتتكسر

ونسوا إن الوليد

من صلب الحديد

متين لا بيلين ولا بيتعصر

والظالم علي إيد الوليد

هو الي إنكسر واتعصر

ووقف كل العالم مذهول

من شجاعة وليد

إزاي قدر ينتصر

والرعب والحسد ملا عيونهم

وماعاد النوم يعرف جفونهم

خافوا من المولود

وفهموا أنه من فصيلة أسود

ولو كبر الطفل وصار فتي

حيسود كل الوجود

وبقي همهم وكل شغلهم

قتل الوليد

طرف تالت من جوه مستخبي

يقتل ويدبح ويخطف

خطف الوليد بقبضه

من حديد

(تخرج الفتاة)

جمهور هو يمشي

جمهور مش حيمشي

عراي احنا حنقف مع مين يابني.

عربي أنت روح مع دول وأنا أروح مع دول.

يتجه عراي لجمهور وعربي لجمهور

بيان برمهاات

جمهور فرح وتهليل

جمهور في حزن

جمهور ينسحب وعربي يحاول أن يذهب إلي عراي ولكن أحد

الأشخاص ينهره ويضطر ان يجذبه معهم

وعراقي ينظر إلي حمو محاولاً أن يذهب إليه ولكن ماحوله من

جمهور يجذبه ، ينجح عراقي في الوصول لعربي عند جمهور

اتنين ، قوات الشرطة تطارد جمهور وتلقي القبض على

من يقع في أيديهم.

بلاك اوت

الجزء الثاني

المنظر الأول

الديكور حجز المساجين في قسم الشرطة، عدد من المساجين

وعربي داخل الحجز مع المساجين، أحد المقبوض عليهم

من جمهور اتني

الشاب أنت يابلدي رايحه على فين

على فين وخذانا، ماتقوليش

قَدْرُ وهو الي رمانا

أصلك يابلدي على طول مخطوفة

والموت والهم والوجع حبسوهم

جوانا.

أرضك الطيبة، الغربه فيها قريبه

(يقترب عراي من الشاب)

عربي هو فيه أيه؟ ، مش فاهم حاجة!

الشاب فيه حبس للضمير، فيه موت

للعدالة ، في قهر للحرية.

عربي ياه كل ده !

الشاب وأكثر من كده ، أنت ممسوك ليه ؟ ثوره؟

عربي لا أن ممسوك كفن. ماليش دعوه بحاجة.

الشاب إزاي لازم يكون ليك إنتماء فكري

لازم يكون ليك رأي، ماينفعش

تعيش ميت.

عربي كده كده عايش ميت ،أعيش

ميت همزاجي ، أحسن ماأعيش

ميت همزاجهم.

الشاب أنت عايش ميت همزاجهم ، أنت

مالكش تختار مزاجك.

عربي ياعم سيبنا في حالنا ، إحنا تور

الله في برسيمه.

الشاب ماينفعش كده ، لازم يكون ليك

رأي وكلمة.

عربي والنبي إعمل معروف سيينا في

حالنا ، إحنا كنا معاكم بندور على

كفن .

الشاب ياابني ،بتاع كفن ، بتاع ترمس

فيه كتير غيرك، مظلومين

دي شوطه بيشوطوها ماتعرفش

بتاخذ مين ، دول كل شويه

يشتغلوا الحاكم ، ويقولوله مسكنا

خليه كانت بتخطط لنظام الحكم

وكل مصيبة يقبضوا فيها على مظلوم

يلبسوه كل مصيبه ، ويغطوا على عيوبهم

كل شويه مؤامرة ويملوا الكشوف بأي حد

علشان يصدق، وكل ماكان هو جبان

يحتاج ليهم أكثر. ويسلمهم السلطة

ويكونوا الكل في الكل.

(يدخل عسكري ويجذب الشاب)

العسكري تعالى ياروح أمك .

(يخرج العسكري ومعه العسكري، يقترب عربي من أحد المحبوسين)

عربي أنت تعرف واخدينه على فين.

المحبوس طبعاً عارف ، حياخدوهم يروقوهم

وبعد كده يكيفيهم .

عربي وأنت روقوك وكيفوك .

المحبوس لا ، الحمد لله ، أنا مسجل خطر

سرقة بالاكراه ، سلاح أبيض

عربي كل اللي هنا زيك .

المحبوس آه ، اللي هناك ده نخنخ بلطجي

واللي جنبه حرامي غسيل وبينشل

محافظ من الأتوبيسات وكلها ساعة

وحنخرج.

عربي وتخرجو ليه بقى؟

المحبوس علشان إحنا مواتنين شُرفا.

عربي واحنا كمان ، بتوع كفن

المحبوس اللهم ما ديم علينا نعمة السرقة

ومانبقوش زيههم.

عربي باين عليك خبره ومتودك

تنصحنأ بأيه ؟

المحبوس أه أنا خبره ولا أجدع محامي.

عربي طيب قولنا ، نعمل أيه؟

المحبوس لما يحققوا معاكم ، قولوا

إحنا مو اتنين شرفا .

عربي ولو قال انتوا ، كنتوا بتعملوا

أيه هناك.

المحبوس قولوا علشان نبلغ عنهم ياييه

بس فيه حاجه .

عربي حاجة أيه.

المحبوس انتوا وحظكم، لو كشوفهم

كملت العدد، حيطلعوكم.

عربي ولو ناقصة ؟

المحبوس يبقى ربنا يعوض عليكم

مش حتشوفوا الشمس.

عربي يعني ممكن نروح في داهيه.

المحبوس آه أنتوا وحظكم ، أنا أعرف واحد

جاري كان معاهم وفرحان

وبيرقص معاهم وفرحان

وبيقفش في الستات والبناات

سهر معاهم وهو شايل العلم

عربي وبعدين حصل أيه؟

المحبوس كان سهران للفجر ومفيش

مواصلات وراجع مشي وعند

جامع التوحيد ، كانوا بيطاردوا

ويجروا ورا ثوار هناك .

عربي كمل، وقعت قلبي ، اوعى يكونوا

قبضوا عليه.

المحبوس آه والله أخدوه ومحدث يعرف

عنه حاجه .

عربي ربنا يطمن أهلك.

بلاك أوت

المنظر الثاني

داخل قسم الشرطة مكتب رئيس المباحث عربي في حجرة الضابط

الضابط يعني انت مش منهم..؟

عربي لا والله يابيه ولا أعرفهم دنا حتى

مابصليش وصايع وسنكوح

وخمُرْجي وحشاش وأي حاجه وحشه

أنا وأبويه لينا فيها، إلا اللي بتقول عليه. .

الضابط ولسه الجثه قاعده في البيت أنا ممكن

أعملك محضر تستر علي دفن ميت

عربي الحمد لله ياباشا طلعت عارف كل

حاجه ، أحمدك يارب ومحروسه

حدفنها يابيه بس ألاقي حق الكفن.

الضابط انت حتشغلني ياولا ،كفن أيه اللي بتدور

عليه والله حتي لو اديتك كفن

حتروح تبيعه،.انا حسيبك بس بشرط..

عربي اشط زي مانت عاوز يابيه

بس بلاش تروقنا واتكيفنا..

الضابط حكلفك مهمه وتروح تخلصها.

عربي مهمة ايه يابيه؟

الضابط عارف مستشفى المجانين ؟.

عربي اللي في العباسيه ...أيوه عارفها.

الضابط أيوه هي.....؟

عربي وأنا حعمل أيه بقي ؟.

الضابط أصل المجانين عاملين مظاهره..

عربي حتى المجانين اتجنوا يابيه ؟

الضابط آه .

عربي هي يعني جات عليهم يابيه.

الضابط (غاضبا) أنت حتتهز معايه ..

أنت تسمع الكلام وبس.

عربي حاضر وأنا أعمل أيه بقي.....؟

الضابط أنت حتدخل تعقلهم..

عراي (ساخرًا) انا حدخل أيه أعقلهم

..أعقل المجانين..

الضابط أيوه مهمتك تعقلهم وتنهي المظاهره..

عربي إزاي ؟ إن كنتوا انتوا مش قادرين تعقلوهم

..حعقلهم أنا..

الضابط أنت حتنفذ اللي حقولك عليه ولا أحبسك

بتستر علي دفن جثه ولا تروح تتروق

وتتكيف مهاهم ، أنا جايك من وسطهم

حقول أنك منهم..

عراي لا ياييه أنا حعقل أبوهم ولكن حعمل أيه ؟

الضابط حتدخل كأنك مجنون وواحد منهم

وتشوف طلباتهم وواحد واحد تقنعهم

تخليهم يسكتوا ، الصحافة العالمية

مش سايبانا في حالنا..

عربي ماشي ياييه ، بس انا ليه طلب.....؟

الضابط اوعي تقولي كفن؟

لا ، حاخذ معايه عراي. عربي

الضابط مين عراي .؟

عربي أبويه اللي كان في المظاهره الثانيه..

الضابط ماشي؟ يخرج له قطعتين قماش

أبيض وادي ملابسك انت وابوك

ولو خلصنا المهمه. عراي

الضابط حكملكم حد يضبطكم وتبقوا

مواطنين شرفا.

.

عربي الله يضبطك يابيه ويضبط كل عدوينك

تظبيطه حلوه.

الضابط ماتقلقش كل شئ مضبوط..

عراي طيب ليه أنا شايفها ساده.

الضابط عشان مالکش في الزیاده.

عري علي رأيك كفايانا ع الريحه

نشم ريحة اللحمه...ريحة الطبخ

ريحة الفلوس الي مابتحبش جيوبنا

وتفر منها ، صحيح يابيه ليه دايما

ماشين شمال...

الضابط إتشعبط وأنت ساكت.

.

بلاك اوت

المنظر الثالث

في مستشفى الأمراض العقلية ..الديكور حديقه..مجموعه كبيره من المجانين في مظاهرة

مجنون قال بيقولوا بين العقل والجنون شعره

...تردوا عليهم تقولوا أيه..

جمهور المجانين .ماراحتماراحت..

مجنون بيقولوا علي نفسهم أهل الابتسامه

...تردوا تقولولهم أيه ...

جمهور المجانين ماراحت الابتسامه ياأهل الندامه.

مجنون ماتقوليش ماتعدليش ...الناس دول مايحكمنيش.

جمهور المجانين يردد خلفه

مجنون خلاص يا عاقلينبقيتوا مش نافعين

جمهور المجانين يردد خلفه

مجنون لا صلاح ولا فلاح، والعاقلين ضيعوا فلوسنا ع السلاح.

الجمهور يردد خلفه

مجنون نحن نعلن من هنا حركة مجانينوا

ومجانين العالم أعلنوا تضامنهم معنا

وسوف نتوجه للأمم المتحدة نطالب

برفع وصاية العاقلين علي المجانين

الجمهور هتاف وفرح

يدخل عربي وعراقي

يعلن تضامنه الدولي

الإتحاد الفيدرالي الدولي للمجانين

مجنون

مع مطالبنا

المشروع.

يانهار اسود الكلام كبير أوي ياعربي.

عراي

أكبر مننا يابا. ودول حنقلهم إزاي؟.

عربي

تعال يابني نروح أحسن. مالها المقابر

عراي

ماقاعدین فیہا ومتنیلین واللہ ہی أرحم

وحشتنی.

.

عربي الظابط قال حیجسنا لو ماخلصناش المظاهره دي

عراي یبقی لازم نجاریهم ... (یحدث المجانین بصوت عالی)

لیہ الملح رخیص والسكر عالی .

مجنون عشان یملحوا حیاتنا ویخللونا..

عربي ولیہ ما ییحسوش بفقرنا ووجعنا..

مجنون عشان ما یرعفوش الجوع..

عراي یقولك بنتفاوض وهما بیقسموا لقمتنا..

عربي ویقولك بنجتمع وهما بینطوا علی بیتنا..

مجنون ماتقولیش ماتعدلیش ،العاقلین ما یُحکمونیش.

الجمهور	يردد
عربي	يقولك دبلوماسيه وهما أونطجيه.
عراي	وعامل فيها سياسي وهو عايش فوق راسي.
عربي	ويطالبونا بالواجب وهما طول عمرهم ماعملوه.
عراي	يبقي لازم حل، وناخذ حقنا..
عربي	أيوه لازم حل.(محدثا عراي) أيه هو الحل يابا..
عراي	معرفشبس أيه ينفع معاهم
عربي	لقيت الحل يابا.....(محدثا جمهور
	المجانين ، بصوا ، الحل ، إننا نعملوا
	إعتصام.

مجنون إحنا عاملين إعتصام..

عربي لا مانعملش إعتصام زيهم وإحنا

لازم نفكر أحسن منهم..

مجنون أيوه إحنا مش زيهم ونفكر

أحسن منهم..

الجمهور يردد

عربي هما بيعملوا إعتصام صاحين.

إحنا نعمل إعتصام نايمين

نناموا زي أهل الكهف. .

عراي براوه عليك ياواد يا عربي هما يناموا

واحنا فمشي.

عربي والظابط يقبض عليهم ويحبسوهم

في العنابر..

عربي موافقين

الجميع موافقين

مجنون ننام ونطلعهم في الكوابيس

بلاك اوت

المنظر الرابع والآخر

عوده للمقابر والمنظر الاول.....يدخل عراقي وعربي

عراقي ياه الواحد تعب ياواد يا عربي لو كل واحد

يرضي بنصيبه ماكنش تعب..

عربي ادينا لفينا ورجعنا لمكانا ،الدنيا لما

بتوسع بتبقي وحشه يابا..

عراقي وحنعمل آيه في جتة محروسه..

عربي إحنا ما فيش معانا حق رغيف عيش.

يدخل مجموعه من الأموات في مظاهرة)

فرد موتي ياعيني عليك يا محروسه.

وما فيش حد بيفكر يديكي حاجة.

عراي (محدثا حمو) مين دول ؟.

فرد موتي..... احنا ثورة أموات ومطالبنا

دفن جثة المحروسه

.

عربي (يضحك بهيستريا) مظاهرة أموات

. كده كملت مش ناقص غير

مظاهرة للشجر وللمطر وللطيور .

فرد أنت بتقول فيها كل حاجة

حلوه فارقت فضاكم.

حتي الطيور هجت وفارقت سماكم....

تقدر الطيور تنزل وتعيش وسطيكم

بحريه من غير ماتفكروا تصيدوهم.

شوف الشجر حل عليه العجز

وحتي التراب الي كانت تحلي

القعهه عليه واللمه بقي بيشوكم

فرد عملتلكم ايه محروسه غير كل خير...

كانت شايلاكم وانتوا ماتستاهلوش

حتي لما ماتت تاجرتم بموتها

.

محروسه خساره فيكم وإحنا جاين

عشان ناخذها.

.

بلاك اوت

إضاءهعربي يقوم من نومه فزعا وصارخاً

عربي لا، لا، لا.

ماحدث ياخذ محروسه مني

محروسه ، محروسه ،أنا عربي يامحروسه

ييقوم والده عراي من نومه)

عراي فيه أيه ياعربي مالك؟...

عربي فين محروسه يابا؟

(تدخل محروسه)

محروسه فيه أيه ياواد ياعربي

عربي انت عايشه ؟

محروسه عايشه ميته يا عربي

عربي لا مش حنعيش ميتين

تاني..

بلاك اوت

خالص تحياي

سمير حمايه